

समे – 12:25

<><><><><><>

Lavander Festival

सीएसआईआर आईआईआईएम जम्मू आस्सेआ त्रीए लैवेंडर उत्सव दा अज्ज थमां डोडा जिले दे भद्रवाह आले सरकारी डिग्री कालेज आस्सेआ कीता गेआ। केन्द्रीय राज्य मंत्री डॉ. जितेन्द्र सिंह होरें एहदा उद्घाटन करगन। इस कार्यक्रम दा मुख्य आकर्षण एग्री स्टार्टअप एक्सपो, नमिएं काहडें सरबन्धी उत्पाद ते लैवेंडर सरबन्धी तकनालोजी फील्ड विसिट, तकनीकी सत्र ते होर दुइए चीजें न। एहदा मकसद लैवेंडर आले कम्में कन्ने जुड़े दे करसानें गी सशक्ज बनाना ऐ ओ बी लगातार ते टिकाऊ तौर तरीके ते नमिण काहडें राएं।

<><><><><><>

Tourism Jammu

जम्मू कश्मीर दा सैलसफा मैहकमा कल 2 जून थमां 5 जून 2025 तगर सतवारी आमत्रंज च डोगरी फूड उत्सव दा सरिस्ता करा करदा ऐ। इस कार्यक्रम च डोगरी फूड विलेज रिवायती मिट्टी दे भांडे, मेहंदी कला ते इत्थें ऊंट दी सुआरी बी शामिल होग। एह मकामी संस्कृति ते पकवान दा इक शानदार समारोह होग। सैलसफा मैहकमे नै मकामी बसनीकें ते सैलानिएं गी डोगरी पकवान दे सुआद दा नंद ठोआने ते इस नूठी सांस्कृतिक कार्यक्रम च हिस्सा लैने लेइ साददा दित्ता ऐ। तोआई सैलसफा मैहकमा 4 जून वीरवार गी भद्रवाह सांस्कृतिक संध्या दी मेजबानी बी करा करदा ऐ। एहदे गीत संगीत कार्यक्रम शामिल होग, एह सत्र किश मकामी संस्कृति दे शानदार प्रदर्शन दा बाद्धा करा करदा ऐ। मकामी कलाकार लोकें दा मन परचाने लेई मंच पर आंगन। बसनीकें ते सैलानिएं गी डोडा जिले दी सनाकड़ी भद्रवाह घाटी च इस उत्सव च शामिल होने लेइ साददा दित्ता गेआ ऐ।

<><><><><><>

Lok Adalat

जम्मू कश्मीर कनूनी सेवा प्राधीकरण आस्सेआ शनिवारें दूई राष्ट्रीय लोक अदालत दा सरिस्ता कीता गेआ। एहदा मकसद बक्ख-बक्ख चाल्ली दे मामलें दा आपसी सलाह मश्वरे कन्नै नबेड़ा करना हा। आकाशवाणी जम्मू संवाददाता दी रिपोर्ट मूजब प्रदेश दे 20 जिलें च

कामयाबी कन्नै इनें लोक अदालतें दा आयोजन कीता गेआ। 173 बैचे आससेआ इक लक्ख 82 जहार 786 मामले हत्थें च लैते गे, जिंदे चा इक लक्ख 36 जहार 20 दा नबेड़ा कीता गेआ। इस दरान 60 करोड़ 25 लक्ख 29 जहार 772 रपे दी रकम मुआवजे दा फही यकमुश्त रकम दे तौरा पर बक्ख-बक्ख मामलें च दित्ती गई। केन्द्र शासत प्रदेश लोक अदालत दा सरिस्ता जम्मू ते कश्मीर ते लद्दाख हाई कोर्ट दे मुख्क प्यायधीश न्यायमूर्ति अरुण पल्ली हुंदी अगुवाई च होआ।

<><><><><><>

JKEDI

जम्मू कश्मीर उद्यमियता विकास सरबंधी इदारे जेकेईडीआई आस्सेआ उद्यमियता ते हुनर विकास प्रोग्राम तैहत पैहली बैच दी सफलतापूर्ण सिखलाई सम्पन्न होई। एहदा सरिस्ता उधमपुर, रियासी ते रामबन बगैरा च कीता गेआ। 5 मई गी शुरू होए दे इस प्रोग्राम तैहत 228 सखेत्रुएं गी सिखलाई दित्ती गई। जिंदे च 107 महिला हियां। इस गी लौहके, भलेया लौहके ते दरम्याने दर्जे दे उद्योगें सरबंधी मंत्रालय आस्सेआ फंड हासल करोआए गे न। एहदा मकसद नमिएं थाहरें गी बढ़ावा देना, आर्थिक विकास गी बधाना ते रोजगार दे मौके पैदा करना ऐ।

<><><><><><>

Mata Kheer Bhawani Mela

जम्मू दे डिप्टी कमीशनर सचिन कुमा वैश्य होरें नगराटा थमां माता क्षीर भवानी मेले लेई यात्रुएं दे जत्थे गी सैल्ली झंडी दस्सियै रवाना कीता। 60 बसें दे जत्थे च सुआर एह जत्था सख्ता सुरक्षा बंदोबस्तें हेठ अगड़ी यात्रा लेई रवाना होआ। सेकढज़ं बद्धे श्रद्धालु कश्मीर घाअी दे गांदरबल स्थित माता क्षीर भवानी श्राईन बोर्ड रवाना होए न। एह मेला 3 जून गी लग्गोग। माता क्षीर भवानी मेने दा कश्मीरी पंडित समुदाय लेई खासा महत्व ऐ।

<><><><><><>

Summer Vacation

स्कूली शिक्षा निदेशालय जम्मू आस्सेआ जम्मू खित्ते दे गर्मिएं आले जोन च पौने आले सारे सरकारी ते निजी स्कूलें लेई गर्मिएं दी छुट्टिएं दी घोशणा करी दित्ती ऐ। स्कूले 7 जून

थमां 16 जुलाई 2025 तगर बंद रौहगंन। स्कूल 17 जुलाई गी छुट्टिएं च अध्यापक ऑनलाइन परामर्श विद्यार्थिएं गी लोड़ मूजब देई सकदे न। नियम दी खलाफवर्जी करने आले खलाफ सख्त कारवाई कीती जाई सकदी ऐ।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कटुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 ब'रें दे बश्कार ऐ ते ओह कटुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफतर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी जम्मू कश पंजीतीर्थी 15 जून 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

